



陶學士先生文集卷之五

七言律詩

喜秋雨

十六歲時見太平監郡馬公昂夫承命面賦喜秋雨詩用七言律秋字韻

甘雨知時不待求使君心事與天游一時潤澤
知無價千里歌謠慶有秋山色洗青當郡舍稻
蒼垂白亞田疇作亭曾見東坡記名筆如今出
品流

輓方蕪山先生

名桂叢晚
號懶窩

家世淵源漢太常鄉閭德望魯靈光蒼顏白髮
今何處老竹枯芸尚滿堂物外懶窩閑晚境濠

東小圃瘁秋香深衣社裏前脩遠士類相逢重

感傷

老竹枯芸
懶窩記語

送牟景陽

清才曾贊玉堂臣
婉畫旋登闕幕賓
蜀郡衣冠家譜舊
河陽桃李政聲新
驪珠落紙成文富
鯨浪飛艎督漕頻
正是前賢遺愛地
摩挲蒼蘚認堅珉

其祖牟忠清公嘗知太平有太
白脫鞞圖山谷返棹圖石刻

送沈掾還鄉

華辯風生動四筵
公侯禮貌重雷連
江南作客千餘里
幕下淹才數十年
荒徑菊松陶令酒
行

囊書盡米家船
故山莫訝歸來早
染就息袍又着鞭

呈謙齋內翰

累朝耆舊著勲名
行處農民藹頌聲
清畫玉堂雄灑翰
暮年金鼎倦調羹
江南久愛溪山好
天上曾依日月明
袖有濟人醫國手
更聞帛壁召還京

次韻前進士唐仲文登黃山詩

獻策當年動玉音
雲霄舊跡復追尋
江山聊寄登臨興
草木猶知撫字心
菊意漸香螭蟬實
松

陰乍冷鶴猿吟荒巖醉訪歌臺迹雨長苔蒼翠
濕襟

采石晚渡

殘霞遠樹水雲中淮甸江鄉有路通沙影分開
晴浪白櫓聲搖落夕陽紅風前宿鷺投疎葦岸
上征人望短篷幸有娥眉解迎客無勞更歎暮
途窮

輓嚴厚齋

字同用

十字排句法做也

皓首衣冠壽七旬全歸無憾見真淳濟人德厚
黃承事教子功深寶禹鈞月夜返魂香已斷雲

山埋骨地方新忘年交契今難得東望藍橋一
愴神

次張孝夫述懷韻

名源歷仕風
憲剛直人也

芙蓉池館得秋多深巷渾無俗客過河朔明星
遙拱極街衢尺雨任揚波多冠風采當重整駒
隙光陰有幾何坎止流行隨所遇暫時畱連白
雲窩

次韻秋聲

忽然金氣撼山林響應天機捷似砧隨處西風
能觸物當空明月獨知音乍涼不寐偏盈耳靜

夜長鳴雜鼓琴應是蓐收嫌寂寞做成商調答
清吟

郡史林景山見寄賡縣尹王庭槐詩因次
韻二首一簡王尹林掾二以自述

客中相遇最相知官務紛紜理亂絲井邑近來
多惠愛簿書老去少奔馳換鵝墨妙公餘事放
鶴籠虛客到時守分不踰為上計世情機巧却
成癡

燈下功勤老硯知何時心緒似遊絲一天細雨
侵人冷半世流光背我馳溪屋且宜捫蝨話海

波未是釣鰲時偶然自得忘言處默坐書叢絕
類癡

送師魯倅廬城

金斗城堅淝水流淮西重地控衿喉屏星勤駕
常侵曉鬢雪新添獨耐秋橋板照波飛騎遠弩
臺過雨老僧游但令民物沾恩澤田里熙然共
解憂

送劉仲彬

天塹僅同衣帶水霎時搖過渡頭船半簾霜月
雷孫館兩岸江淮共一天鏡裏年華催綠鬢屋

西山色擁青
羶月娥裁得
緋衫就桂子
風高待
着鞭

送艾秀才赴京二首

太液三山駕碧
鰲五門遙望
鬱金袍虞廷
詩樂
夔功盛漢殿
賢良董策高
塵散海橋觀
白象酒
香官務薦黃
羔椿翁近在
詞臣選親聽
當朝說
鳳毛

天祿青藜照夜
深校書重喜
得劉歆牙牌
帶月
趨樓殿馬轡
牽春過柳林
照眼西山懸
屋角近
人北斗在天
心新年忝預
南宮試把酒
論文擬

盍簪

送奉使宣撫護都右丞時過太平

面承天語出京
華春滿江南
百萬家碧落
雲開
懸月鏡青山
霜晚避雷車
太平之名
山曰青山
恤刑宛合
虞朝典道遠
如乘漢使槎
原隰咨諏
王事畢歡
浮玉色見褒
嘉

送天門山長孫伯明歸富春

熱官何似冷官
尊講席橫經
聖道存春雨
蛙鳴
聞鼓吹晚潮
魚上富盤殮
亭松滴翠籠
書榻池
藻吹香度戟
門莫學嚴陵
便歸隱詔黃
換取被

新息

探梅

東君消息乍來時
訪問江頭慰所思
踏雪且行新霽路
向陽應有半開枝
遙知暖意回苔幹
驚喜寒香度竹籬
又恐重來苔爛熳
細看蓓蕾最相宜

輓戴母劉氏

旌德縣大族

梅峯愁滿雪寒天
無計能留住百年
禮義防身閨闈肅
誦絃盈耳子孫賢
銀綃錫命旌高壽
玉樹歲輝慘暮烟
烈女傳中名可續
詞垣正有華

如椽

題賢母傳

太平縣汪外志先生作傳

仙尉曾資內助賢
寸心貞潔對青天
教兒書積千餘軸
守節家居五十年
獨對殘燈了機杼
不將明鏡照朱鉛
老來福慶人稀有
善行垂光太史傳

登高凌歊臺

粉黛香消輦路荒
雨晴菊意媚重陽
長江落木秋無際
短帽西風鬢有霜
千嶂馬騰環重鎮
萬松龍舞蔭禪房
英雄多被繁華誤
蜀雪湘雲舊

恨長

題青田劉氏園亭詩卷

劉履道為太平學正求賦此詩

湖光近接少微星玄鶴飛來洞不扃
天雨好花開桂苑地栽脩竹似蘭亭
文魚躍水憑欄看黃鳥吟春隔對聽
江左芹香解留客故山有夢繞銀屏

送李生赴金陵

長途雨過息塵埃馬首鍾山隱
心來李絳須登龍虎榜謫仙重上鳳凰臺
芸囊冊葉逢晴晒雪屋灯花冒冷開
志士行藏隨所遇豈無當路為

憐才

輓師魯監郡

龍錦須臾雨露馨西風吹得鬢星
收牧民遺澤流南土開國殊勲起北庭
佳菊滿軒開酒案甘棠隨處蔭碑銘
侯封大郡光泉壤寤寤窮愁老淚零

輓陸茂先

與君數日不相見無病一宵驚
已亡伯玉行年方五十董仙種德異尋常
雨荒庭外江山樣烟鎖城西祀菊莊
身後傳家今有托已聞詩禮在

賢郎

歲暮即事

慰藉情懷臘酒香
光陰背我去堂上
驛梅初破兩三藥
官曆唯餘五六行
斷送殘年多雨雪
逢迎老境是星霜
街衢擊鼓驅儼出
却喜邦民共樂康

凌歊臺

在黃山山
舊名浮丘

西晉山河決勝秋
旌旗捲影入浮丘
離宮滿貯三千女
霸國終攘數十州
塔鶴泣雲憐廢迹
江鯨噴浪洗餘羞
詩人興逐巴潭遠
不道秦關老

涕流

蛾眉亭

遠望天門
山如蛾眉

山川一統渺無邊
喜動雙蛾黛色妍
天地氣通門戶闢
江淮境對水雲連
藤烟翠濕靈鰲脊
桃雨紅飄躍鯉肩
星斗入簾毛髮冷
清樽更弔錦袍仙

觀瀾亭

為監郡清卿賦
在蛾眉亭左監郡所創

江頭下馬俯驚湍
懶把嬌娥作意看
鯨背風烟詩客遠
酒邊花木醉翁歡
日斜淮浦漁歌近
秋老吳天雁字寒
萬頃銀河生脚底
乘槎何似倚

欄干

采石

絕壁高寒天與鄰倚江樓閣萬魚鱗獨招烏憤
騎鯨客豈有朱衣躍馬人天塹方今無所限蛾
眉從此不須顰荻芽綠嫩河鮑上呼酒巷前管
領春

四望亭

在白亭山桓溫歌舞之地舊名楚山以其歌白紵遂名有桓公井

松聲如訴老桓姦白紵織歌污楚山南北東西
春眼底古今興廢夕陽間半天荒井泉蒼碧千
載殘基碣蘚斑萬壑清風掃遺臭野僧雲臥竹

陰閑

謝公池

在青山謝元暉宅前

鏡天徹底見纖毫昔日詩翁注硯槽老虎跑開
山頂脉蟄龍送出地中膏藥籬護碧巖星漢茶
鼎分香煮雪濤遙對澄江淨如練我来漱石亦
清高

太白墓

墓前有祠墓如筆竹葉皆有金星

自別金鑿抵夜即江南有夢到君王酒酣采石
風生袂屋老青山月滿梁龍管鳳笙遺韻度筆
蘆星竹借文章雲飛荒野苔碑斷時有詩人醉

一鴈

葆和觀即元暉宅
有謝公池

曾是元暉舊隱居
忽看珠境現仙都
池漚畫涌泉根活
巖木秋凋石骨臞
栗殼黃腴猿哺子
松巢碧冷鶴溫雛
道人鍊罷芙蓉鼎
紫玉簫橫鳳繞梧

三湖丹陽石
故城

三澤茫茫一碧連
白蘋風起棹歌傳
樹頭烟浪浮沉日
水底星河上下天
葦長新沙留雁夢
草蘚斷磧濕蛟涎
何當結屋瓊瑤窟
買取臨隄二

頃田

碧雲亭

橫碧雲間千嶂開
風高廢堞雁聲哀
飲殘杯酒不成醉
望斷佳人渾未來
幾欲排雲叫閭闔
便當有路到蓬萊
池蓮對客應知意
帶露盈上淚滿腮

江東道院即太平府治

福地渾無紫牘塵
黃堂清靜控江津
仙凡只隔門前水
僚吏常如物外人
衙鼓晴敲琪樹曉
戟香暖透碧桃春
政平訟簡息波遠
勝讀黃庭禮

王晨

姑孰溪

映帶城隅地勢雄昔稱重鎮大江東萬山中斷
飛銀浪一曲西流臥采虹夾岸樓臺揚柳月對
船燈火荻花風釣魚臺下鷗如雪我已忘機似
海翁

有采虹橋及李端井釣魚臺

慈姥磯

斷隴橫空鐵骨呈舟行冒險客心驚蒼熊突入
半江臥綵鳳飛來踈竹鳴新港抱山浮樹影怒
濤觸石帶風聲丁蘭廟廢人還葺世遠猶存孝

子名

泊吳興

屋覆長橋客艤舟玻璃窟宅冷涵秋塔穿雲表
萬松嶂水注城心兩岸樓列肆晨喧分海錯重
簾晝捲起吳謳玉堂翰墨多遺迹安定祠前更
少雷

登尊明閣

在江浙貢院有先聖燕宮像

中和氣象儼如生下俯吳山一芥輕葦舍萬間
星拱極棘林四面鐵為城海潮起立風雷壯天
宇低垂日月明梯躡青雲重到此更無弱水隔

蓬瀛

宿遷義塘早行

土竈燈殘洗飯盂
旗車帶月駕疲驢
脚添重鞮寒如鐵
氣拂踈髯凍結珠
荒塢宿鴉喧雪樹
平田飢鶉啄霜蕪
峒崕漸遠晨光動
野店逢人問道塗

邳城客館晚宿

烟壁風檣幾歲華
甕漿温酌當供茶
募根作菜甜如芋
粟飯登盆細雜沙
病姬暖煨蘆席炕
小娃夜紡木綿車
掩關且擁重衾坐
蘇子油灯屢

結花

至沂州訪同知彭允誠夜飲邳平仲馬元

德善仲良在焉

允誠與余甲申同領鄉薦

野人處上頌能官
久別尤當刮目看
清話忘眠將達旦
巨觥連酌不知寒
一時賓主歡娛甚
四海交游會合難
莫負平生經濟志
從來功業出儒冠

沂州紀事

馬蹄踏雪入沂州
山擁孤城水左流
瓦甕春浮黃米酒
鐵缸凍結紫蘇油
屏車念舊携賓訪
閭

幕知名遣使畱酌別東郊人滿道餘情未已立
凝眸

山東山行至絕頂

地峻清寒刮鬚毛烟林雪麓幾周遭乾坤萬國
風雲濶海岱諸峯日月高遠埃忽逢心少慰小
車難坐足頻勞蓬萊不隔千餘里便欲飛身踏
翠鰲

過穆陵關

層冰積雪蔽巖扃絕頂高寒酒易醒鐵壁重圍
天設險石梯萬級地揚靈國家混一無南北州

境綿聯別充青俯視人間懸絕甚紫薇垣近手
捫星

益都城北三十里有郵亭名白羊鋪壁間
石刻張夢臣學士詩一首乃至大辛亥未
茅時所作其詩曰迢々長日路途間兩字
功名抵死難豈為身榮愛奔競正緣親老
逼飢寒雲霄附鳳心徒壯客館無魚缺自
彈百畝薄田容易辦也應無夢到長安僕
因次韻書事

嶢巖路盡困泥間一步猶如百步難漸見雲開

天日近何嫌歲晚雪霜寒
客中野飯身偏健車
上冠塵手屢彈最是慈親念
游子久無書信報
平安

次蒲臺

曉屢集似鳥投林密
柵綠牆布棘針
冷霧障天雲木暗
暖風着地雪泥深
濟流東去長歸海
蜀客西來遠貨金
喜遇采江香醞賣
一尊見慰鄉心

滄州五龍池

帝遣神鱗變化雄
圓湫澄碧隱幽宮
天浮片影

星芒動地湧靈源
海脉通五色蜿蜒
遺舊跡一方濶
澤溥玄功我来亦
待風雷信燒尾
桃巷暖浪中

次鯨川 即長蘆

北來州郡謾紛紜
喜見連甍插翠雲
萬貨鬻塵人四合
兩州聯境水中分
道間晝擁鹽車驥
橋左宵屯鼓壘軍
呼酒灯前沾醉後
青綾被冷火微熏

立春日至霸州

陽隨脚底鞮寒消
行過平堤十二橋
官府迎春

牛擊碎車輪輾雪馬行驕草荒高閣存孤壘柳
夾通衢接九霄從此東君當刮目杏苞消息到
非遙

歲除日至都城

絳霞晨現太陽邊遙望金城萬雉堅
踏柳陰連三百里禁蒼香繞九重天
喜看太史須春曆阻侍慈親守歲筵
拂拭霜衣無旅况御堤塵軟共揚鞭

嵩溪詩會

亭樹陰中共倚欄春雲藹上出毫端
嵩泉香透

銀箋滑溪月清分雪枕寒官文厭懸龜紐重客
來不放蟻觴乾南歸衣拂京塵汚喜見驪珠落
玉盤

次韻嵩溪悼馬

帝選龍駒不泛常特搜下土遣王良躡雲疾足
應先逝戀主真情恐未忘月滿瑤池飛馭遠塵
棲金勒舊槽荒如君自有方臯眼天駟儲精午
位陽

瀑布泉

懸流飛落大峯尖千丈中涵萬縷織河漢機空

垂雪練石巖戶闢掛冰簾白龍倒噴天邊雨銀
浪急衝江底蟾薄暮香爐紫烟散卧聽冷響入
松簷

鶴籠

相依蕙帳貯仙禽不似松巢結在林月色穿來
窺瘦骨露華飛入憂清音寬容聊息雙輪翅盤
促難拘萬里心童子放開欣客至孤山祠下迹
堪尋

秋江鴈影

西風不動楚波涼倒浸征鴻帶夕陽雲母屏間

箏列柱水晶宮裏字成行紛如鵲映銀河面孤
似鸞窺寶鏡光幾見蘆汀飛起處冷涵數點在

清湘

鴻門

寒侵玉帳酒闌珊鐵甲重圍意度閑真命未應
遭虎口至親猶解護龍顏一雙白璧雖歸楚萬
文朱光已滿關亞父不知仁義主至今遺恨在
人間

貂蟬冠

尾裁丹黑蠅紋蒼簪插纓垂列廟堂毳錦柔溫

搖采弁翼綃清潔附金璫駿驥制度存遺意獬豸鋒稜接後行台鼎選賢非狗續玉階風露鬚邊涼

晚渡

下馬江頭綠草生蒼童咲指暮潮平得風先送孤舟渡過岸將為萬里行宿雁隔烟沙際後寒鴉帶日樹頭鳴多情最是津亭柳歲上逢人費送迎

送毛公禮

賢網如天覆九垓擬看展翮起蒿萊膺門世重

登龍譽雄賦人驚吐鳳才歲月辛勤存鐵硯風雷浩蕩接金臺江南鼓篋忘岑寂雪夜挑灯卷屢開

送小毛秀才

北望穎川雲樹深江南風雨幾沾襟一千餘里遠為客三百五篇常究心待用能全和氏璧知音未負伯牙琴論文晝永相忘處棣萼生輝照士林

御史大夫帖木哥公致仕

正是當今耳目臣急流勇退足全身江南開府

臨諸道林下休官見一人日月旗常功烈著烟霞窓几性情真公孤論道思元老恐有蒲車出紫宸

送李好古赴西臺御史

天花剪玉澡英姿綠萼梅招夢裏詩百二山河勞跋涉九重耳目寄詢咨錦袍召對金鑾殿寶墨留題太液池正值長安蒼滿路青駘騰踏轡如絲

送張太初赴西臺御史

開國功勞出保州武攻文輔世王侯星垣柱史

承嘉命天府神都紀勝遊霜草不藏狐兔穴烟
蒼又繞鳳凰樓驚心時事紛紜甚應有封章告
遠猷

送哈德卿赴內臺御史

駘蒼照地轡絲輕烟柳陰中望禁城多角鋒稜
新憲節龍頭文采舊儒英霜飛白簡朝巍闕星
拱鑾輿入上京側耳諫垣聞讜論應須有志在
澄清

送曾道士

青牛蹴月五雲京袖得琳書度上清琪樹陰籠

玄鶴陞碧桃香引紫鸞笙竦樞銀浪浮天影內
昂金丹鍊日精小別千年飛馭速清風何處步
虛聲

送集慶教授博淵泉

四薦科場筆有神三為博士甌生塵江南學校
尊昇郡海內英豪讓國人青鏡忽看霜入鬢玉
堂行與月為鄰臨岐無限雷連意已覺風雲滿
要津

送江子宜赴京二首

宋相古心族任
湖州安定山長

芹波香接水晶宮老筆生蒼氣燄雄安定教條

行浙石古心家學振江東書閑清晝茶鐺沸官
滿多年俸篋空臺閣知名新有薦輕舟北上趁
南風

金水河環萬歲山客中隨友看朝班風雷變化
魚龍海日月東西虎豹關石炭晨炊倉米老土
林寒酌甕醪慳慈親應有門閭望捧得天書及
早還

送陳唯道赴廣東憲史

臺柏相看耐雪霜天南行役汴長江繡衣香裏
風生葦綠綺聲中月在窓海樹迎人馳曉騎蠻

蕉對酒別秋缸
絲上貨利無心取
時吐嘉謀慰遠邦

秋日述懷

一鐘雖吟寄名邦
却愧辭巢燕子雙
風送霜華來短鬢
秋隨雁影落疎窗
甘霖透地晴觀稼
缺月當樓夜聽江
佳客相過常滿座
清貧每欠酒盈缸

登樓

吟邊萬象寄憑欄
露柳烟蒲不耐看
天地一時秋氣動
山川四望客懷寬
稻荅飽雨搖新霽
蕉

葉招風送早寒
短褐蕭蕭知己少
任無魚食缺休彈

送賀憲史赴廣東

英才遠用出儒庠
自喜參承繡斧光
粵雪夜寒飛海嶠
蠻煙曉霽避風霜
紵袍清挹芙蓉水
柳梳其髮荔子漿
北望鳳臺真捷徑
先將文采動遐荒

送張文貞赴內察掾

紫禁東藩望太微
雲霄捧足去如飛
秋庭展牘霜隨筆
晨馬趨朝月滿衣
瓦釜未陳噓石火
葦

簾灯寂閉油扉澄清坊裏行蹤熟直待君恩寵
賜緋

送張庫使

白雲館下舊歲脩薇劄隨身賦遠遊寶婺儒家
傳禮樂金陵官帑試才猷孤山雪月寒梅屋兩
浙風烟畫板舟最是雙親皆永壽捧觴獻歲栢
香浮

送趙心道赴番禺令

去天萬里海南邊甘露清泠洗瘴烟邑附羊城
民按堵路通獅國買開船荔枝雨後千巖麗柳

葉雲間百粵連王節金符皆大府喜聞子賤晝
鳴絃

送邵克忠赴武岡照磨

七十二峯樓幕下諸侯賓佐六曹師簿書踈少
尋詩酒城郭蕭條罷鼓旗烟濕猿藤騎馬處雲
連龍瀑倚欄時蠻溪警絕官無事月照秋蓮泛
碧漪

送姚秀才歸桃源

客路隨身一束書凌雲氣似馬相如孤灯江館
厭紅粟三月淮鄉多白魚遇世豈容淹楚璞到

家唯喜奉潘輿桃源雨霽春如錦更望瓊林歌
駐車

贈江有源

紫芝雲冷隱臞仙起傍星垣步列躔世學有源
難墜地客遊無處不談天秋窓攬鏡風欺鬢夜
榻評詩月透箋臺閣公卿暫畱住幾回訪我話
流年

送朱艸志

闕里古今唯二處新安地望魯邦同諸賢祠墓
遺蹤在兩族雲仍舊譜通山市醉遊春幔綠溪

窓清話夜灯紅歸來又振龍溪業新額榮光照
學宮

溧水湖鄉夏末述事二首

淺碧湖漪沒草萊柳陰坐石浣塵埃流光老我
添文債溽暑酣人却酒盃六月魚龍隨浪起五
更風雨送秋來離家見說門無客烏雀羣飛啄

綠苔

是日丑時立
秋風雨六至

江海機心久已灰白鷗見客莫驚猜天連一水
山浮動地接三州路拆開野豎衝炎耘稻去棹
郎唱晚採菱回征塗亦有歸田夢意恐清盟負

菊梅

館中山朝元觀作

自出徵租五十日朝元閣下首頻搔客中喜遇
故鄉友秋後自憐疏布袍老火流空望霖兩西
風入湖飛雪濤扁舟又欲渡江去桂影滿身明
月高

鎮守太平楊侯致仕

金虎橫腰世爵傳功成謝事享高年營家綠野
閑方樂報國丹心老愈堅刀劍于今買牛犢堯
整自昔換貂蟬江城久駐多遺愛軍政承風尚

肅然

次韻徹通理秋日驛中二首

幾年江海擬同羣又隔鍾山一片雲驛路秋高
人漸遠征袍霜重火頻燠臺臣鶚薦多知己天
子龍飛舊獻文我亦南宮老詞客何時把臂慰
前聞

驚看冀北馬空羣閉戶探玄學子雲獨念邦家
情未已何心富貴勢如雲典謨搃是經綸事館
閣應需黼黻文安得灯前一夜話平生傾倒叩
奇聞

送鐵元起監歸州

川口通衢熊繹城兒童竹馬走相迎三巴草樹
春浮動萬舸風濤雨蕩平晚市炊烟連白帝曉
山旭日射紅旌政成當入蘭臺選熟路霜蹄上
玉京

送李國用赴宗文山長

鴛湖朱陸講道處書院獨以宗文名古今自有
易簡理經註皆同日月明蒼嶂曉蒸鉛水濕黃
簾夜度燭烟輕交承是我同年士為說故人華
髮生前山長孔曠字子充余同榜友也

送東川山長張彥深

去城一百二十里川上化為絃誦林西熟青瓊
三閱歲東籬黃菊獨知心驚車使者裁霜檄鳳
閣銓曹傳玉音我亦擅襟更清淡喜看雲驥驟
駸設教于山主陶氏之族

寄宣城學正徐伯初

辛卯秋同考太平堂試

官燭依然淚滿臺望中溪嶂似蓬萊登樓幾度
碧雲合對酒獨看明月來松葉連簷霜後好梅
花喜客臘前開榻擅未覺如冰冷弟子森上育
異才宣城諺云松連蒼出狀元

送黃文敬長仙山

都門烟柳去年時回首文光照島夷
采石琢成司寇像空庠留得侍郎祠
坐看賈船分鹽利自笑行囊少俸資
最是郡城文獻地不妨來往結相知

輓湯子允

故家積德經幾世此老享年逾七旬
先向蒲塘卜風水免看淮境動烟塵
雨窓竹石存遺跡月館琴書付後人
不見瘦筇扶鶴骨市橋揚柳亦傷神

次韻二首并序

慈溪劉中可為姚江學官去家無百里其父字
隱之因來視焉天倫至樂藹然庠舍婆娑嬉遊
觴詠咲談旬日而歸適余來後不及瞻承而與
中可締交觀唱和諸詩縉紳傳為美事且教子
入官父之志也得祿奉親子之志也以志養志
俱賢矣哉乃倚歌而和之

雨後芹池長綠波幡然來此聽絃歌
舟輿熟路江頭近父子歡情客裏多
春館稱觴衣舞綵晚窓題句扇裁羅
咲看清俸供甘旨奈此廣文官

吟何

石上綸垂碧海波山中興在紫芝歌先生閱世
身長律當代求賢意正多老驥獨能諳步驟冥
鴻全不被蒐羅浙東文物從前盛如此期願有
幾何

送樊照磨

與庸田官履餘姚
早田田紹興郡幕

都水使輶江上駐郡僚馳驛共經過旱田官賦
今蠲免屬邑民瘼更撫摩水碓歸舟賒月色山
家吟竈借陽和蓬萊清淺神仙府歲晚梅苞照
碧波

寺○○○右送安中
此句是後
另移依三
梅字

三月三十日費安中山長告别走賦六首
春融僻海講帷開有客携經萬里來天下名人
半知己芹邊吟席獨淹才東湖時雨沾膏壤北
斗文星貫上台田望當年舊遊地蒼茫烟樹隔
金臺

○○○右送安中

去年見客問相知射目如何却中眉安定教條
西浙盛堯夫易學後人疑水晶宮裏風烟爽琥
珀盃中歲月馳誰念姚江未歸客蕭上詩鬢忽
成絲

○○○右寄察德元

南潯鎮裏新文學姑孰湖陽舊世家兄弟從戎

多武備師儒掌教盛才華林巒勝處春携屐風
雨聲中夜煮茶去歲相逢便相別故人千里寄
漁槎

右寄邢彥賢

雲水雨中曾共飲錢塘秋半又相逢可憐過眼
日五色還欲扣關天九重才似稱衡當薦鸚識
如太史更登龍偶因人去傳消息見說盈門士
子從

右寄金仲宣

我本江東一布衣十年較藝到京畿欲從彭澤
尋歸路且學嚴陵坐釣磯山月度牆窺冷榻海
潮帶雨過晨扉天台客至因留話一咲揮盃興

欲飛

右述懷

來自東郊曾遠迎今朝有意惜君行落蒼風裏
一杯酒芳草天涯幾日程正欲園林娛賞興又
教鶯燕動離情臨岐預約相逢處信到梅梢白
玉音

右送春

甲午六月旦日登嶼山觀海

脚底潮生鼓萬雷浪頭隱隱白雲堆諸州地到
海邊盡外國帆從天際來但見中間浮島嶼不
知何處是蓬萊平生登覽今朝最髮髯珠宮貝
關開

送豐幹良

雨添新水長蒼芹一片書聲隔屋聞
講席青檀留傲兀官倉紅米代耕耘
諸侯賞識璫璣器學子爭傳錦繡文
自是吟官難久住出門有路踏青雲

送戴生

姑孰亭前綠藻肥會稽山上白雲飛
四郊兵氣頻聞警一榻燈光只夢歸
舟子爭潮喧熟路海魚脩饌奉重闌
姚江在望渾非遠肯踏梭船訪釣磯

送湖北憲僉亦普刺金

金斧霜威壓將營烟塵不犯石頭城
當朝天子為知己列郡鄉民捻習兵
鄂渚山川何日到于湖風浪一時平
舟師好渡螭磯去江上游氛易得清

送太平踞同知王庭珪

隔江塵起動邊聲采石波濤夜不驚
台鼎調元延世賞倅車佐守厚民生
近來壁壘添烽火未見天河洗甲兵
月滿空船歸思切望中棄梓是東平

送馬仲雲

兩浙繁華第一州宦情更喜挈家遊吏曹環立
看揮筆明府相過聽運籌雪水晴浮金板舫虹
橋春躍紫苓騮羽書近日傳邊警未暇絃歌醉
酒樓

壽大本監郡

四月清和當望日壽星光滿太平城香凝燕寢
諸侯貴鼎鍊龍丹九轉成循吏傳中書治行列
仙籍上注長生綠陰亭館薰風爽玳瑁筵前進
玉觥

賀郡守靳處宜病起

病中猶不廢承宣臥治江城搃晏然自是憂民
勞守相正緣換骨作神仙雲間老鶴精神健雪
後寒松節操堅今日朱轡乘興出歡生童叟擁
街前

清和

輕爽新暄皆可人四時佳候一時均渾無寒氣
渾無暑半似秋天半似春滿地槐陰連曲徑透
簾日色度芳塵伯夷下惠能同調晝永從容樂
意真

壬辰清明日客有携酒城東邀陳致中謝
行可程子舟馬希穆及余遊月盤洞天偶
遇張文泰遂同飲歡甚行可以老杜清明
二詩次韻紀事因就韻賦

千門挿柳綠含煙陌有輪蹄水有船
蒼下酒盃堪獻酢松間山路更攀緣
仙童見客頻留坐飛鳥依人每可憐
席展園亭殺雜進粥香鄰竈火新然
有閑愛結漁樵侶無術能飛子母錢
自咲勞生空擾乞欲求鼎藥為延年
閉門且免走西東時事無聞絕似聾
幾處干戈

猶不息一春桃李又成空
唯餘山水長清麗未見車書遠混同
吟節傷神登墓道禁鍾未夕慘江楓
青山舊宅南歸後白日浮雲北望中
歎效微才今未用滄波耳分釣魚翁

出金陵望茆山

蔣山過後見茆山翠幄三峯異
世寰方士虎騎崖洞出伯仙鶴跨
海天還劍光夜照星辰白丹氣春
騰草樹斑歆覓隱居吾鼻祖松風
樓上聽潺湲

過平江

錫山回望七亭孤百里風烟遠八吳虎阜雲開
晴見塔楓橋月落夜聞烏依七楊柳環新郭渺
七波濤接太湖可惜捧心人去杳大夫遺廟鎮
姑蘇

岳王墓

十二金牌發帝宮儘憑詭舌害元功君臣樂土
偷安遂父子邊庭屬望空莫掩青山千載恨常
懸白日寸心忠英靈只在棲霞嶺塚對無枝偃
北風

寓姑蘇半塘寺

息程來借贊公房暫泊扁舟向石塘苔暎烟蘿
浮竹翠風簷蒼雨散天香僧依法座持仙梵人
扣禪機入道場明訪虎丘應不遠雲邊樓閣擁
青蒼

虎丘

海湧危峯翠拂天瘞來池劍化蛟龍樓臺隱映
王珣宅封石荒涼陸羽泉古塚月明無踞虎芳
林春盡有啼鶻名山勝境關情久祇為尋登一
繫船

金陵道中

孤帆斜日領舟行遠道無山為送迎沙店踈籬
堪問酒烟村高樹不聞鶯一灣野水鷗波靜到
處蘋香客思清莫嘆飛蓬類踪跡成名自昔在
書生

復至金陵

望裏鍾山擁翠螺金陵道上又經過韶華信比
當時盛親舊原非向日多紫陌塵飛金勒騎紅
樓酒醉玉人歌獨憐卞壺名忠節汗竹千年耿
不磨

除教職

孤劍頻年兩鬢殘飛騰每切寸心丹喜持黃紙
新除重那厭青氈舊業寒楊柳晚風嗟客路聖
賢心事付儒冠也知衿佩相親處日與敷宣坐
講壇

秩滿避亂

冷官黷舍數年過秩滿其如世亂何衿佩有誰
談禮樂民生徒欲避干戈歸閑故里青霄遠臥
病衞門白髮多江上薜蘿烟雨裏何時重聽太
平歌

世氛久未息書悶

開極規模自有初舊章併擾竟何如原頭烽燧
誰為息海內兵戈孰可除偃月堂深資鬼域伏
波軍老縱鯨魚疇能一吐平淮策與爾排雲謁
帝居

重至金陵喜熙朝建都

聖王開極坐金鑾慈頌乾坤始得安景運河清
并海晏江山虎踞更龍蟠四方寶貨梯航至百
辟衣冠雨露寬從此昇平千萬載黎民擊壤罄
交懽

送孫伯融提制赴括蒼

遠携行伍定安危况子才高邁等夷勇息煙塵
今日計道經邦國古人為撫綏黎庶通息澤押
闔風雲刷羽儀文武功臣頭尚黑熙朝重見太
平時

寄劉伯温宋景濂二公

水溢中原又旱乾風塵從此浩漫七東山好慰
蒼生望南國那容皓髮安要整綱常崇黼黻還
成文物萃衣冠聖賢事業平生志幽樂何須戀
考槃

喜伯温景濂輩至新京

東帛徵賢出礪阿來從明主定山河據才要濟
邦家用為治當調鼎鴈和定見百年興禮樂先
從四海戢干戈當朝輔佐侔伊呂汗簡芳名耿
不磨

哭孫伯融

陸梁未息竟亡身誰為祛除四海塵幣帛敬惟
招俊又死生端只念君親丹心故國江楓曉白
骨他鄉塞草春不是交游重相感幾多悲戚為
斯民

龍江閱兵

諸將桓桓總虎熊戰船部伍列兵戎白虹光射
腰間劍青鵲膏塗臂上弓千里生民應按堵陸
梁小醜定潛踪戎衣一着天山定文德由來濟
武功

康郎山應制

閭闔鳴韶發羽旌群峯青迓鬱金袍臣民喜觀
天顏近車駕遙臨地位高警蹕飛廉經梵刹行
厨光祿進仙桃真龍到處多奇勝風捲雲松沸
海濤

送夏允中總制浙東兼巡撫洪武初元

九五龍飛始建都
廷臣領命出分符
要叅將相施韜畧
直使山林盡兔狐
鐵騎曉騰霜氣肅
玉笳夜奏月輪孤
皇仁遍布東南境
綏恤群黎萃

版圖

己上俱辭達集

陶學士先生文集卷之三

